

# INUIT ATAQATIGIIT

## Inatsisartuni



25. 03.2019

Inatsisartut Sulieriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### **Naalackersuisunut apeqquq:**

- 1. Aatsitassanut Suliffeqarnermullu Naalackersuisup kiisalu Naalackersuisut paasititsiniaatitaasa Narsamiinnerminni GME-p Kuannersuarni pilersaarutaanut oqariartuutigisimasaat imaluunniit GME-p 15.marts KNR-imi suliap tusarniutigeriaannanngorneranut oqariartuutaat sorleq ilumoorpa?**
- 2. Naalackersuisut oqariartuutigisimasartik attakkunikku taava GME-p 15-marts oqariartorsimanera naqqiiviginiarpaat?**
- 3. Apeqquq 2 naamiuppat, sooq Naalackersuisut naqqiiniangillat?**
- 4. Naalackersuisut GME-p pilersaarummini aatsitassanik atornianngisaminnut tatsimi eqqaavissaminnut sapsuorinissamik pilersaarutaat illersorneqarsinnaasutut isigaat?**
- 5. Suliami uani Naalackersuisut paasissutissanik allanik tunniussassaqarpaat?**

(Inatsisartuni ilaasortaq Stine Egede , Inuit Ataqatigiit)

### **Tunggavilersuut:**

Aatsitassanut Suliffeqarnermullu Naalackersuisoq Narsami innuttaasunut ataatsimiissitsinermini immiunneqartumi oqaatigaa Kuannersuarni GME-p aatsitassarsiulernissaanut akuersissummik suliaqalernissaq uaneralaarsuarmiingitsoq. Sulilu piffassami sivisujaami qinnuteqaataannik suliaqarneq sukumiisumik suliarineqarluuqaassasoq aatsaallu taassuma kingorna tusarniutigineqarnissaminut piareersinnaappat tamanut tusarniutigineqarumaartoq. Naalackersuisup oqaatigisimasai Naalackersuisut atorfilittaasa paasititsiniaallutik kujataaniinneranni, Narsami ataatsimiissitsineranni aamma uppersarsarneqarluni oqaatigineqarsimavoq. Naalackersuisut taamaak Narsami oqariartornerat illuatungilerluinnarlugu qaammat ataasiorpianngitsorluunniit qaangiuttoq suliffeqarfiup GME-p 15.marts KNR-ikkut oqariartuutigaa. Oqariartoramik suliaq imak inerisimatigisoq tusarniaanissat periaannanngortut.

Eqqortumik paasissutissiinissaq apeqquq taamak imaannaangitsigisumi avaqqunneqarsinnaanngilaq. Naalackersuisut eqqortumik paasissutissiisussaataapput uanilu pineqartumi taamaaliorsimanerlutik uppersarsartariaqarpaat suliffeqarfillu GME eqqunngitsumik nalunaarsimappat naqqittariaqarlugu.

Kissaatigaara apeqquqtit ullut qulit qaangiutsinnagit akineqarnissaat.